

Na osnovu člana 56. Zakona o organizaciji uprave u Federaciji Bosne i Hercegovine ("Službene novine Federacije BiH", broj 35/05), člana 31. st. (1) i (2) člana 38. Zakona o izvršavanju Budžeta Federacije Bosne i Hercegovine za 2023. godinu ("Službene novine Federacije BiH", broj 6/23) i Odluke Vlade Federacije Bosne i Hercegovine o usvajanju Programa utroška sredstava sa kriterijima raspodjele sredstava "Tekući transferi pojedincima - za pomoć u liječenju boraca-branitelja" utvrđenog Budžetom Federacije Bosne i Hercegovine za 2023. godinu ("Službene novine Federacije BiH", broj 15/23), Federalno ministarstvo za pitanja boraca i invalida odbrambeno-oslobodilačkog rata/Federalno ministarstvo za pitanja branitelja i invalida domovinskog rata, objavljuje:

JAVNI POZIV

za podnošenje prijave za ostvarivanje prava na dodjelu sredstava za jednokratnu novčanu pomoć za liječenje za sljedeće kategorije: članovi uže porodice demobiliziranih branilaca, porodice poginulih branilaca, porodice umrlih ratnih vojnih invalida, porodice umrlih dobitnika najvećih ratnih priznanja i odlikovanja i porodice umrlih demobiliziranih branilaca u 2023. godini

I

Predmet Javnog poziva je ostvarivanje prava na dodjelu sredstava za jednokratnu novčanu pomoć za liječenje članova uže porodice demobiliziranih branilaca, porodice poginulih branilaca, porodice umrlih ratnih vojnih invalida, porodice umrlih dobitnika najvećih ratnih priznanja i odlikovanja i porodice umrlih demobiliziranih branilaca sa kriterijima raspodjele sredstava "Tekući transferi pojedincima - za pomoć u liječenju boraca-branitelja", utvrđenih na razdjelu 32, ekonomski kod 6142 utvrđenog Budžetom Federacije Bosne i Hercegovine za 2023. godinu.

II

(1) Pravo učešća na Javnom pozivu imaju fizička lica koja pripadaju kategoriji branilačkih/braniteljskih populacija: članovi uže porodice demobiliziranih branilaca, porodice poginulih branilaca, porodice umrlih ratnih vojnih invalida, porodice umrlih dobitnika najvećih ratnih priznanja i odlikovanja i porodice umrlih demobiliziranih branilaca.

(2) Članom uže porodice lica iz stava (1) ove tačke smatraju se: roditelji, bračni partner i djeca.

(3) Izuzetno, za člana uže porodice koje je odlukom nadležnog organa proglašen nesposobnim za privređivanje, podnosilac zahtjeva može ostvariti pravo na novčanu pomoć za plaćanje troškova njegovog liječenja neovisno da li član uže porodice za kojeg se podnosi zahtjev živi u zajedničkom domaćinstvu sa podnosiocem zahtjeva.

(4) Sredstva iz tačke I ovog poziva dodjeljivat će se u visini od 300,00 KM u skladu sa općim i posebnim uslovima za dodjelu sredstava za jednokratnu novčanu pomoć za liječenje.

III

(1) Prijavu na Javni poziv za ostvarivanje prava na jednokratnu novčanu pomoć za liječenje, lica iz tačke II stav (2) mogu podnijeti za vlastito liječenje ili za liječenje drugog člana uže porodice.

(2) U slučajevima da podnosilac zahtjeva za ostvarivanje prava na jednokratnu novčanu pomoć za liječenje isti podnosi za ostvarivanje prava na jednokratnu novčanu pomoć za liječenje drugog člana uže porodice, dužan je dokazati da sa istim u momentu podnošenja zahtjeva živi u zajedničkom domaćinstvu, izuzev u slučajevima iz tačke II stav (3) ovog poziva.

(3) Pravo za ostvarivanje prava na jednokratnu novčanu pomoć za liječenje može se ostvariti samo jedan put u dvije kalendarske godine.

(4) Lica iz tačke II stav (2) mogu ostvariti pravo na dodjelu sredstava za jednokratnu novčanu pomoć za liječenje ukoliko ispunjava opće i posebne uslove propisane Javnim pozivom.

IV

Pravo na jednokratnu novčanu pomoć za plaćanje troškova liječenja podnosilac prijave može ostvariti ukoliko ispunjava sljedeće opće uslove:

- a) ima prijavljeno mjesto prebivališta na području Federacije Bosne i Hercegovine, odnosno mjesto boravišta u statusu povratnika u entitet Republiku Srpsku i Brčko Distrikt Bosne i Hercegovine;

- b) dokaže status člana uže porodice poginulog branioca, umrlog ratnog vojnog invalida, umrlog dobitnika najvećeg ratnog priznanja i odlikovanja, a za umrlog i živog demobiliziranog branioca uslov da je bio pripadnik Oružanih snaga u trajanju od najmanje 12 (dvanaest) mjeseci;
- c) priloži valjanu medicinsku dokumentaciju za odobravanje jednokratne novčane pomoći za liječenje, ne stariju od jedne godine od dana podnošenja zahtjeva i da se radi o oboljenju iz Liste oboljenja za ostvarivanje prava na jednokratnu pomoć za liječenje članova uže porodice demobiliziranih branilaca, porodice poginulih branilaca, porodice umrlih ratnih vojnih invalida, porodice umrlih dobitnika najvećih ratnih priznanja i odlikovanja i porodice umrlih demobiliziranih branilaca a koja se nalazi u prilogu Javnog poziva i čini njen sastavni dio;
- d) da to pravo nije već ostvario kod ovog Ministarstva po istom ili drugom osnovu u tekućoj i predhodnoj kalendarskoj godini,

V

Pored općih uslova definisanih tačkom IV Javnog poziva, kod postupka ostvarivanja prava na dodjelu sredstava za jednokratnu novčanu pomoć za liječenje u inostranstvu, podnosilac prijave može ostaviti pod uslovom da pored općih uslova ispunjava sljedeće posebne uslove:

- a) dokaz da se oboljenje ne može liječiti u Federaciji Bosne i Hercegovine, u skladu sa Pravilnikom o uvjetima i postupku upućivanja osiguranih lica na liječenje u inostranstvu ("Službene novine Federacije BiH", br. 93/13 i 102/15);
- b) dokaz da je pribavljen prijedlog univerzitetsko - kliničke bolnice (kliničke zdravstvene ustanove) koja se bavi liječenjem oboljenja za koje se traži odlazak na liječenje u inostranstvo, sa mišljenjem liječničkog konzilija izdatog saglasno Pravilniku o postupku i načinu rada liječničkog konzilijuma ("Službene novine Federacije BiH", broj 55/13);
- c) da dostavi predračun troškova budućeg liječenja u inostranstvu sa specifikacijom troškova liječenja, odnosno za otpočeto ili završeno liječenje u inostranstvu, dokaze o nastalim troškovima.

VI

- (1) Prijava za ostvarivanje prava na dodjelu sredstava za jednokratnu novčanu pomoć za liječenje se podnosi na obrascu koji se može preuzeti sa WEB stranice ministarstva (www.fmbi.gov.ba) ili u prostorijama Pisarnice ovog Ministarstva.
- (2) Uz prijavu, podnosioci su dužni dostaviti **original ili ovjerene kopije** sljedeće dokumentacije:
 - a) CIPS-ova prijava mjesta prebivališta ili boravka (za podnosioca prijave i za člana uže porodice za kojeg se podnosi prijava);
 - b) Kućna lista u kojoj su navedeni članovi užeg porodičnog domaćinstva, izuzev za lica iz tačke II stav (3) ovog poziva.
 - c) Izvod iz matične knjige rođenih, umrlih ili vjenčanih (za podnosioca prijave i za člana uže porodice poginulog branioca, porodice umrlog ratnog vojnog invalida, porodice umrlog dobitnika najvećeg ratnog priznanja i odlikovanja, porodice umrlog demobiliziranog branioca i porodice demobiliziranog branioca);
 - d) za člana uže porodice poginulog branioca – posljednje revidirano rješenje o priznavanju prava na porodičnu invalidninu člana porodice ili uvjerenje o pripadnosti Oružanim snagama i okolnostima stradavanja izdato od nadležne Grupe/Samostalnog izvršioca za pitanja evidencija iz oblasti vojne obaveze (ne starije od 6 mjeseci);
 - e) za člana uže porodice umrlog ratnog vojnog invalida – posljednje revidirano rješenje o priznavanju prava na ličnu invalidninu ili posljednje rješenje o priznavanju prava na porodičnu invalidninu članu porodice poslije smrti ratnog vojnog invalida;
 - f) za člana uže porodice umrlog dobitnika najvećeg ratnog priznanja i odlikovanja - posljednje rješenje o priznavanju prava na mjesečni novčani dodatak po osnovu priznanja i odlikovanja;
 - g) za člana uže porodice umrlog demobiliziranog branioca - uvjerenje od nadležne Grupe/Samostalnog izvršioca za pitanja evidencija iz oblasti vojne obaveze o pripadnosti Oružanim snagama umrlog demobiliziranog branioca izdato na obrascu V FMB 3A (ne starije od 6 mjeseci);
 - h) za člana uže porodice demobiliziranog branioca - uvjerenje od nadležne Grupe/Samostalnog izvršioca za pitanja evidencija iz oblasti vojne obaveze o pripadnosti Oružanim snagama demobiliziranog branioca izdato na obrascu V FMB 3A (ne starije od 6 mjeseci);
 - i) Dokaz o zdravstvenom stanju (medicinska dokumentacija) podnosioca prijave ili člana uže porodice izdata od strane ovlaštene zdravstvene ustanove ili stručnog tima - konzilijuma, ne stariji od godinu dana (nije obavezna ovjera);

- j) Za liječenje u inostranstvu: prijedlog univerzitetsko-kliničke bolnice (kliničke zdravstvene ustanove) koja se bavi liječenjem oboljenja za koje se traži odlazak na liječenje u inostranstvo, sa mišljenjem liječničkog konzilija izdatog saglasno Pravilniku o postupku i načinu rada liječničkog konzilijuma ("Službene novine Federacije BiH", broj 55/13);
- k) Potvrda banke sa brojem tekućeg računa podnosioca prijave ili kopija tekućeg računa podnosioca prijave.

VII

Komisija za pomoć u liječenju za provođenje „Tekućeg transfera pojedincima - za pomoć u liječenju boraca -branitelja“, utvrđenog Budžetom Federacije Bosne i Hercegovine za 2023. godinu (u daljem tekstu: Komisija), vrši razmatranje zaprimljenih prijava i daje prijedlog za ostvarivanje prava na dodjelu sredstava za jednokratnu novčanu pomoć federalnom ministru za pitanja boraca i invalida odbrambeno-oslobodilačkog rata, koji isti odobrava i donosi konačna rješenja o odobravanju jednokratne novčane pomoći za liječenje.

VIII

Prijave se podnose na Pisarnici Federalnog ministarstva za pitanja boraca i invalida odbrambeno-oslobodilačkog rata/Federalnog ministarstva za pitanja branitelja i invalida domovinskog rata u Sarajevu, ul.Hamdije Čemerlića br.2 ili putem pošte na adresu:

„Federalno ministarstvo za pitanja boraca i invalida odbrambeno-oslobodilačkog rata/Federalno ministarstvo za pitanja branitelja i invalida domovinskog rata, ulica Hamdije Čemerlića br. 2.,71 000 Sarajevo“, sa naznakom:

“Javni poziv za podnošenje prijava za ostvarivanje prava na dodjelu sredstava za članove uže porodice demobiliziranih branilaca, porodice poginulih branilaca, porodice umrlih ratnih vojnih invalida, porodice umrlih dobitnika najvećih ratnih priznanja i odlikovanja i porodice umrlih demobiliziranih branilaca za jednokratnu novčanu pomoć za liječenje 2023. godini”.

Krajni rok za dostavljanje prijava ističe **31.10.2023.godine**.

IX

Neblagovremene prijave neće se uzimati u razmatranje.

**Po ovlaštenju Vlade Federacije BiH
POMOĆNIK MINISTRA**

Mirza Terzo

Broj: 01-37-833/23
Sarajevo, 07.03.2023. godina

Prilog: Lista oboljenja za ostvarivanje prava na jednokratnu novčanu pomoć za liječenje članova uže porodice demobiliziranih branilaca, članova uže porodice poginulih branilaca, članova uže porodice umrlih ratnih vojnih invalida, članova uže porodice umrlih dobitnika najvećih ratnih priznanja i odlikovanja i članova uže porodice umrlih demobiliziranih branilaca.

LISTA OBOLJENJA

za ostvarivanje prava na jednokratnu novčanu pomoć za liječenje članova uže porodice demobiliziranih branilaca, članova uže porodice poginulih branilaca, članova uže porodice umrlih ratnih vojnih invalida, članova uže porodice umrlih dobitnika najvećih ratnih priznanja i odlikovanja i članova uže porodice umrlih demobiliziranih branilaca

I Tumori:

- maligni tumori
- benigni tumori koji lokalizacijom ili prirodom mogu ugroziti život ili smanjiti funkciju organa ili sistem

Napomena: Za oboljenje malignog tumora podnositelj prijave ima pravo na jednokratnu novčanu pomoć za plaćanje troškova liječenja najkasnije u roku od 5 (pet) godina nakon uspostavljene dijagnoze, izuzev u slučaju kada je prema medicinskoj dokumentaciji nastupilo trajno oštećenje zdravstvenog stanja.

II Neuromišićna oboljenja:

- progresivna neuromišićna oboljenja
- mišićna distrofija
- multipla skleroza
- miastenija gravis
- neuropatije
- miopatije
- epilepsija (nekontrolisana ili rezistentna na terapiju)
- nezarazni encefalitis i enecefalomijelitis
- cerebralna paraliza

III Bolesti koštano-mišićnog sistema i vezivnog tkiva:

- protruzija intervertebralnog diskusa sa komplikacijama (težim funkcionalnim oštećenjem nerva, mišića, popuštanjem sfinktera) zahtjevaju intenzivan i dugotrajan medicinski tretman
- seropozitivni reumatoidni artritis kada je bolesnik nesposoban za bilo kakve aktivnosti ili vezan za postelju i invalidska kolica.
- ankilozirajući spondilitis
- direktna infekcija zglobova, kod infektivnih ili parazitaranih oboljenja
- upalne bolesti zglobova
- degenerativna bolest perifernih zglobova, deformacije kralježnice, zakrivljenost srednjeg dijela, deformacije zakrivljenost donjeg dijela, bočna zakrivljenost kralježnice, degenerativne promjene kičme, pod uslovom da su u operativno tretirani
- upala kosti sa razaranjem, uzrokovan bakterijama, gljivicama i mikobakterijama
- degenerativne bolesti kostiju i zglobova
- bolesti koje uzrokuju ozbiljne funkcionalne smetnje lokomotornog aparata i trajno ga onemogućavaju u normalnom obavljanju svakodnevnih aktivnosti

IV Respiratorne bolesti:

- bolesti pluća praćene trajnim oštećenjem respiratorne funkcije (sa vrijednostima vitalnih plućnih parametara: FVC, FEV-1, FEV 1/FVC ispod 40%)
- hronična opstruktivna bolest (HOPB)
- emfizem pluća
- astma bronhijalna
- sarkoidoza
- bronhijektazije
- apsces pluća i medijastinuma
- piotoraks
- pneumotoraks
- sindrom respiratornog distresa (RDS)
- druge plućne bolesti koje su iziskivale bolničko liječenje u posljednjih godinu dana

V Specifična stanja koja zahtjevaju skupi i doživotni tretman:

- transplantacije organa
- transplantacije koštane srži
- stanja nakon operativnih stanja na srcu, mozgu i plućima koja zahtijevaju duže bolničko liječenje, oporavak i intenzivni medikamentozni tretman.

Napomena: Za oboljenje transplatacija koštane srži jednokratna pomoć za plaćanje troškova liječenja se može odobriti najkasnije u roku od 5 (pet) godina od dana izvršene transplatacije prema medicinskoj dokumentaciji, osim ako se radi o potrebi ponovne transplatacije kada se jednokratna pomoć za liječenje može odobriti i unaprijed.

VI Bolesti kardiocirkulatornog sistema:

- infarkt miokarda
- intracerebralna krvarenja
- subarahnoidalna krvarenja
- plućna embolija
- hipertenzivna oboljenja (sa popuštanjem srčanog mišića)
- hipertenzija (sa renalnom insuficijencijom)
- operativni zahvati na srcu (ugradnja stentova, bajpasa, pejsmejкера i dr.)
- aortalna rascjepljenja-Aneurizma aorte, Disectio aorte
- reumatska groznica koja obuhvata srce
- Wegenerova granulomatoza (zapaljenje krvnih žila)
- kongenitalne malformacije srca

Napomena: Za oboljenje infarkt miokarda podnosilac prijave ima pravo na jednokratnu pomoć za plaćanje troškova liječenja najkasnije u roku od godinu dana nakon bolničkog liječenja, izuzev u slučaju kada je prema medicinskoj dokumentaciji nastupilo trajno oštećenje zdravstvenog stanja.

VII Psihička oboljenja:

- bolesti zbog čije prirode i stanja oboljeli može ugroziti svoj i/ili život drugih lica, oštetiti materijalna dobra, a koje zahtijevaju stalni medikamentozni tretman i kontinuirano praćenje od strane nadležnog psihijatra
- posttraumatski stresni poremećaj (PTSP)
- akutna psihoza
- hronična psihoza
- primarna demencija kod Alzheimerove bolesti
- demencija kod Parkinsonove bolesti
- nespecifična demencija
- mentalna retardacija
- autizam
- Down syndrom

VIII Sistemske bolesti:

- sistemski lupus
- poliarteritis nodosa
- difuzna sistemska sklerodermija
- Sjogrenov sindrom
- Cronova bolest
- ulcerozni colitis
- psoriasis

IX Endokrine i metaboličke bolesti:

- šećerna bolest sa jako izraženim komplikacijama (insulinski tretirana, sljepoća, gangrene, bubrežna insuficijencija)
- hronični endokrini poremećaji ukoliko su operativno tretirani

X Bolesti krvi, krvotvornog sistema i imunološkog sistema:

- stečena aplazija crvenih krvnih zrnaca,
- mijeloproliferativna oboljenja koštane srži - Myelofibrosis

XI Bolesti gastrointestinalnog i hepatobilijarnog trakta:

- hronični pancreatitis - ponavljajuća upala gušterače
- trajna oštećenja jetre koje zahtijevaju dugotrajno liječenje -Hepatitis chr. persistens
- ciroza jetre sa trajnim oštećenjem - Cirosis hepatis

XII Bolesti oka i vidnog živca:

- upala vidnog živca, optički neuritis, gubitak vida
- druge očne bolesti koje su iziskivale bolničko liječenje u posljednjih godinu dana

XIII Bolesti urogenitalnog trakta:

- nefrotski sindrom bilo koje etiologije
- upale bubrega praćene bubrežnom insuficijencijom
- hronična bubrežna insuficijencija koja zahtjeva trajnu dijalizu
- i druge bolest urogenitalnog trakta koje su iziskivale operativno i bolničko liječenje u posljednjih godinu dana

XIV Povrede, opekotine i rane:

- povrede (teške tjelesne povrede koje ozbiljno oštećuju zdravlje i uzrok su ozbiljnih oštećenja organa, osjetila i organskih sistema, amputatio, fracture, ozljede srca i organa, crush povrede vrata), ukoliko je zahtjev za ostvarivanje prava podnesen u roku od jedne od dana zadobivanja povrede
- opekotine (srednje teško opečeni - površine opekotine do 40% ili duboke opekotine nefunkcionalnih dijelova tijela do 10% površine, teško opečeni-površina opekotine prelazi preko 40% površine tijela ili duboke opekotine funkcionalnih dijelova tijela bez obzira na njihovu površine, smrtonosne opekotine-one koje zahvataju površinu tijela veću od 50%), ukoliko je zahtjev za ostvarivanje prava podnesen u roku od jedne godine u odnosu na dan zadobivanja opekotine
- rane (ranjavanja koja su prouzrokovala trajne posljedice po normalan život), ukoliko je zahtjev za ostvarivanje prava podnesen u roku od jedne godine u odnosu na dan ranjavanja

XV Operativni zahvati

- Za ozbiljnije operativne zahvate, koji iziskuju bolnički postoperativni tretman, podnosilac prijave ima pravo na jednokratnu novčanu pomoć za liječenje ukoliko je prijava za ostvarivanje prava podnesena u roku od jedne godine u odnosu na operativni zahvat.
- Izuzetno, kod težih i složenijih operacija na srcu, mozgu, plućima i amputacije udova, koje iziskuju stalni ljekarski nadzor i liječenje, podnosilac prijave ima pravo na jednokratnu novčanu pomoć za plaćanje troškova liječenja kontinuirano jedanput u toku kalendarske godine.

(Prezime, ime oca, ime podnosioca prijave)

(Broj lične karte)

(Adresa podnosioca prijave i kontakt telefon)

**Federalno ministarstvo za pitanja boraca i invalida odbrambeno-oslobodilačkog rata/
Federalno ministarstvo za pitanja branitelja i invalida domovinskog rata,
Sarajevo, ul.Hamdije Čemerlića br. 2**

PREDMET: Prijava na Javni poziv za ostvarivanje prava na dodjelu sredstava za jednokratnu novčanu pomoć za liječenje članova uže porodice demobiliziranih branilaca, porodice poginulih branilaca, porodice umrlih ratnih vojnih invalida, porodice umrlih dobitnika najvećih ratnih priznanja i odlikovanja i porodice umrlih demobiliziranih branilaca u 2023. godini

Prijavljujem se za dodjelu jednokratne novčane pomoći za liječenje lica koja pripadaju branilačko/braniteljskoj populaciji iz Budžeta Federacije Bosne i Hercegovine za 2023. godinu u svojstvu

(navesti kategoriju pripadnosti branilačko/braniteljskoj populaciji: porodice demobiliziranih branilaca, porodice poginulih branilaca, porodice umrlih ratnih vojnih invalida, porodice umrlih dobitnika najvećih ratnih priznanja i odlikovanja i porodice umrlih demobiliziranih branilaca), iz slijedećih razloga:

(obrazložiti prijavu).

Priložena dokumentacija original ili ovjerena kopija (zaokružiti ili podvući):

- 1) CIPS prijava (za podnosioca prijave i za člana uže porodice za kojeg se podnosi prijava), (ne starija od 6 mjeseci);
- 2) Kućna lista u kojoj su navedeni članovi porodičnog domaćinstva, ako je član porodice nesposoban za privređivanje, dokaz nadležnog organa o istom);
- 3) Izvod iz matične knjige rođenih, umrlih ili vjenčanih (za podnosioca prijave i za člana uže porodice poginulog branioca, umrlog ratnog vojnog invalida, umrlog dobitnika najvećeg ratnog priznanja i odlikovanja i umrlog demobiliziranog branioca);
- 4) a) za člana uže porodice poginulog branioca – posljednje revidirano rješenje o priznavanju prava na porodičnu invalidninu člana porodice ili uvjerenje o pripadnosti Oružanim snagama i okolnostima stradavanja izdato od nadležne Grupe/Samostalnog izvršioca za pitanja evidencija iz oblasti vojne obaveze izdato (ne starije od 6 mjeseci);
b) za člana uže porodice umrlog ratnog vojnog invalida – posljednje revidirano rješenje o priznavanju prava na ličnu invalidninu ili posljednje rješenje o priznavanju prava na porodičnu invalidninu članu porodice poslije smrti ratnog vojnog invalida;
c) za člana uže porodice umrlog dobitnika ratnog priznanja i odlikovanja - posljednje rješenje o priznavanju prava na mjesečni novčani dodatak po osnovu ratnog priznanja i odlikovanja;
d) za člana uže porodice umrlog demobiliziranog branioca - uvjerenje od nadležne Grupe/Samostalnog izvršioca za pitanja evidencija iz oblasti vojne obaveze o pripadnosti Oružanim snagama umrlog demobiliziranog branioca izdato na obrascu V FMB 3A (ne starije od 6 mjeseci);
e) za člana uže porodice živog demobiliziranog branioca - uvjerenje od nadležne Grupe/Samostalnog izvršioca za pitanja evidencija iz oblasti vojne obaveze o pripadnosti Oružanim snagama umrlog demobiliziranog branioca izdato na obrascu V FMB 3A (ne starije od 6 mjeseci);
- 5) Dokaz o zdravstvenom stanju (medicinska dokumentacija) podnosioca prijave ili člana uže porodice izdata od strane ovlaštene zdravstvene ustanove ili stručnog tima - konzilijuma, ne starija od godinu dana, sa ostalom medicinskom dokumentacijom u svrhu dokazivanja kontinuiteta liječenja (nije obavezna ovjera);
- 6) Za liječenje u inostranstvu: prijedlog univerzitetsko - kliničke bolnice (kliničke zdravstvene ustanove) koja se bavi liječenjem oboljenja za koje se traži odlazak na liječenje u inostranstvo, sa mišljenjem liječničkog konzilija izdatog saglasno Pravilniku o postupku i načinu rada liječničkog konzilijuma ("Službene novine Federacije BiH", broj 55/13) (nije potrebna ovjera);
- 7) Potvrda banke sa brojem tekućeg računa podnosioca prijave ili kopija tekućeg računa podnosioca prijave (original ili kopija).

_____, 2023. godine
(mjesto i datum)

Svojeručni potpis podnosioca prijave

NAPOMENA:

- 1) Prijave na Javni poziv mogu se podnijeti za oboljenja sa Liste oboljenja za ostvarivanje prava na dodjelu sredstava za jednokratnu novčanu pomoć za liječenje članova uže porodice demobiliziranih branilaca, porodice poginulih branilaca, porodice umrlih ratnih vojnih invalida, porodice umrlih dobitnika najvećih ratnih priznanja i odlikovanja i porodice umrlih demobiliziranih branilaca koja je objavljena na web stranici Federalnog ministarstva za pitanja boraca i invalida odbrambeno-oslobodilačkog rata/Federalnog ministarstva za pitanja branitelja i invalida domovinskog rata (u daljem tekstu: Federalno ministarstvo), i sastavni je dio Javnog poziva za ostvarivanje prava na dodjelu sredstava za jednokratnu novčanu pomoć za liječenje članova uže porodice demobiliziranih branilaca, porodice poginulih branilaca, porodice umrlih ratnih vojnih invalida, porodice umrlih dobitnika najvećih ratnih priznanja i odlikovanja i porodice umrlih demobiliziranih branilaca u 2023. godini;
- 2) Članovi uže porodice demobiliziranih branilaca, porodice poginulih branilaca, porodice umrlih ratnih vojnih invalida, porodice umrlih dobitnika najvećih ratnih priznanja i odlikovanja i porodice umrlih demobiliziranih branilaca mogu ostvariti pravo na jednokratnu novčanu pomoć za liječenje jedanput u dvije kalendarske godine (ukoliko je pravo ostvareno u prethodnoj godini, u sljedećoj kalendarskoj godini ne mogu ostvariti pravo na jednokratnu novčanu pomoć);
- 3) Neblagovremene prijave neće biti uzete u razmatranje, a Federalno ministarstvo nema obavezu vraćanja dostavljene dokumentacije.

Shodno članu 5. Zakona o zaštiti ličnih podataka ("Službeni glasnik BiH", br.49/06, 76/11 i 89/11), kao nosilac gore navedenih i dostavljenih podataka saglasan/saglasna sam da Federalno ministarstvo vrši pribavljanje i obradu istih u svrhu realizacije gore navedene prijave na period od najduže 3 (tri) godine.